

**TÌTULU SEGUNDU**  
**ORDINAMENTU ISTITUTZIONALI**  
**CABU PRIMU**  
**ORGANUS DE SU COMUNU**

**Art. 7**

**Organus**

1. Funt organus de governu de su Comunu su Cunsillu, sa Giunta e su Sìndigu.
2. Is funtzionis e is raportus tra is organus funt stabilidus de sa lei e de custu Statutu.

**CABU SEGUNDU**

**CUNSILLU COMUNALI**

**Art.8**

**Cunsillu Comunali**

1. Su Cunsillu Comunali rapresentat sa comunidadi locali ca du eligit riunida in su corpus elettorali, segundu sa disciplina stabilida de sa lei.
2. Su Cunsillu, segundu sa funtzioni sua de rapresentanti de sa comunidadi est titolari de su poderi de indirizu politigu e amministrativu e de su poderi de controllu.
3. Su Cunsillu esprimet s'indirizu politigu-amministrativu in atus cumenti propositas, risoluzioni, òrdini de traballus po sa dî, direttivas chi cuntenint obietivus, principius e criterius informatoris de is atividadis de s'Enti. Indirizat puru s'atividadi de s'Enti cun atus fundamentalis de carateri normativu e programaticu.
4. Su Cunsillu Comunali tenit cumpetentzia asuba de s'adotzioni de is atus amministrativus fundamentalis previstus de is leis in vigèntzia.
5. S'esercitziu de is funtzionis nomenadas in susu no podit èssiri ogetu de dèlega.
6. Su funtzionamentu de su Cunsillu Comunali est disciplinau de su Regulamentu aprovau a magioranza assoluta chi prevedit, asuba de totu, is modalidadis po sa convocazioni e po sa presentazioni e discussioni de is propositas.
7. Su regulamentu indicat fintzas su numeru de is cunsilleris chi serbint po sa valididadi de is setziadas.

## Art. 9

### Compositzioni e tempu in carriga

1. Is normas relativas a sa compositzioni, a su tempu in carriga, a is causas de inelegibilitadi e de incompatibilitadi e a sa decadentzia de is Cunsilleris funt stabilidas de sa lei.
2. Su Cunsillu abarrat in carriga finzta a s'eletzioni de su nou, limitendusì a pustis de sa publicatzioni de su decretu de convocatzioni de is comitzius eletoralis a adotai is atus urgentis e improrogàbilis.

## Art. 10

### Insediamentu de su Cunsillu Comunali

1. Sa prima sézida de su Cunsillu Comunali est convocat de su Sìndigu prima de su termini perentoriu de dexi dìs de sa proclamatzioni de is eletus e si depit tenni prima de dexi dis de sa convocatzioni.
2. In sa prima sétzida su Cunsillu depit provediri in custu ordini:
  - cunvàlida de is eletus;
  - giuramentu de su Sìndigu;
  - comunicatzioni de pati de su Sìndigu de is componentis de sa Giunta Comunali.

## Art. 11

### Cunsilleris

1. Su statu giurìdigu, is dimissionis e sa sostituzioni de is cunsilleris funt regoladus de sa lei; issus rapresentant s'intera comunidadi e a issa respundint sempri.
2. Is funtzionis de cunsilleri antzianu funt esercitadas de su cunsilleri chi, in s'eletzioni a custa carriga, adit tentu su numeru pru mannu de preferèntzias. Cun is stessus votus funt esercitadas de su prus antzianu de edadi.
3. Is Cunsilleris comunalis chi no intervenint a is cungressus in generali po tresi bortas de s'ghida chènza de motivu validu funt dichiaraus decadius cun deliberatzioni de su Cunsillu Comunali. Po custu su Sìndigu, a pustis de s'acertamentu de s'assentza de su cunsilleri interessau, provedit cun comunicatzioni scritta, segundu s'articullu 7 de sa lei n. 241/1990 a ddi comunicai s'incarreru de su procedimentu amministrativu. Su Cunsilleri tenit sa facultadi de fai balliri is causas chi giustificant is assentzas, e puru de fai otenni a su Sìndigu documentus chi serbint po prova, prima de su tempus

indica in sa comunicatzioni scritta, ca no podit èssiri prus pagu de binti dis, incumentzendi de sa data de ricevimentu. Apustis de custu tempu, su Cunsillu esaminat e deliberat fendi contu de is causas giustificativas presentadas de su cunsilleri interessau.

#### Art.12

##### Dimissionis de is Cunsilleris

1. Is dimissionis de sa carriga de Cunsilleri funt indirizadas po iscritu a su Cunsillu; issas benint registradas subitu a su protocollu in òrdini de cumenti funt presentadas; funt definitivus, no tenit abisongiu de pigada de atu e funt eficacis de subitu.
2. Su Cunsillu, prima e no prus tradu de dexi dis de sa presentazioni de is dimissionis e totu, depit provediri a sa sostituzioni de is Cunsilleris dimissionarius, cun deliberatzionis separadas, sighendi s'òrdini de presentazioni chi risultat de su protocollu de s'Enti.

#### Art. 13

##### Prerogativas e diritus de is Cunsilleris

1. Is Cunsilleris comunalis rapresentant totu su Comunu chèntza de vînculu de mandau.
2. Dogna Cunsilleri tenit diritu de iniziativa asuba de dogna chistioni chi benit deliberat de su Cunsillu.
3. Dogna Cunsilleri tenit diritu de interrogatzioni, de interpellanza e de propositas. Su regulamentu prevedit tempus tassativus e prima de custus sa Giunta e su Sindigu depint rèspundiri.
4. Dogna Cunsilleri tenit diritu, asuba de domanda, de otenni copia de is provvedimenti de su Comunu, de is Istituzionis chi dipendint de issu e de is relativus atus preparatorius.
5. Dogna Cunsilleri tenit diritu de otenni de is uficius de su Comunu totu is notizias e is informatzionis chi serbint po s'acumprimentu de su mandau. Depit poderai su segretu in casus nomenaus de sa lei.
6. Is Cunsilleris tenint diritu de controllai is atus de sa Giunta cumenti narat sa lei.
7. A pitzus de domanda de unu cuntu de is Cunsilleris su Sindigu depit riuniri su Cunsillu prima de binti dis e ponni in s'òrdini de traballus de sa dì is argumentus pedius.
8. Is diritus stabilidus in custu articullu si esercitant cun is modalidadis previstas de su regulamentu de su Cunsillu.

#### **Art. 14**

##### **Lìneas de programa de mandau**

- 1. Prima de 120 dis, a partiri de sa dì de s'insediamentu suu, funt presentadas, de su Sìndigu, intendia sa Giunta, is lìneas de programa a pitzus de is atzionis e de is progetus de realizai in su mentris de su mandau politigu - amministrativu.**
- 2. Dogna cunsilleri tenit su diritu de intervènniri in sa definitzioni de is lìneas de programa proponendi is integratzionis, is adeguamentus e is modificas, cun presentatzioni de apòsitus emendamentus, me in is modalidadis indicadas de su regulamentu de su cunsillu comunali.**
- 3. Est facultadi de su cunsillu provediri a integrai in su mentris de su mandau, cun modificas, is lìneas de programa, asuba de is esigèntzias e de is problemas chi ant a bessiri in ambitu locali.**

#### **Art. 15**

##### **Grupus cunsiliari**

- 1. Is cunsilleris si podint costituiri cumentis grupus cunsiliari, cun unu o prus componentis, segundu is modalidadis previstas in su regulamentu, donendindi comunicatzioni a su Sìndigu e a su Segretariu.**
- 2. A is grupus cunsiliari funt donadas, atrezaduras de suportu e assistèntzia giuridiga tennica e amministrativa po cunsentiri su regulari svolgimentu de is funtzionis suas, tenendi presentis is esigèntzias tipicus de dogna grupu.**

#### **Art. 16**

##### **Cunferentzia de is capus grupu**

- 1. Is capus grupu funt nominaus de is rispetivus grupus cunsiliari prima de dèxi dis a partiri de sa prima sézida de su cunsillu.**
- 2. A is capus grupu cunsiliari funt trasmìtias in elencu, cun afissioni a s'Albu pretoriu, totu is deliberatzionis de su cunsillu e de sa Giunta comunali; is testus funt postus a dispositzioni de is cunsilleris me in is formas previstas de su regulamentu in pitzus de su funzionamentu de su cunsillu comunali.**

#### **Art. 17**

##### **Cumissionis cunsiliari**

1. Su cunsillu podit creari, cun deliberatzioni apòsita, adotada a maggioranza assoluta de is membrus, comissionis permanentis o formadas po scopus specificus, constituidas in su senu su e cun criteriu proportzionali.
2. Su numeru de is comissionis, is rispetivas materias de cumpetentzia, is modalidadis de funtzionamentu e is formas de publicidadi funt stabilidas in su regulamentu de su cunsillu comunali.
3. A is comissionis est affidau su compitu de facilitari is traballus de su cunsillu, fendi atividadi de preparatzioni in òrdini a is propostas de deliberatzioni e a is atras chistionis esaminadas de su cunsillu.
4. Is setzidas de is comissionis funt publicas, salvus is casus previstus de su regulamentu.

#### Art. 18

##### Formas de garantzia e de partecipatzioni de is minorantzas

1. Su cunsillu podit creari comissionis chi tenint funtzionis de controllu e de garantzia; in custu casu sa presidentza est donada a is cunsilleris chi appartenint a is grupus de oposizioni.
2. Is modalidadis de funtzionamentu de custas cumissionis, ant a essi stabilidas in su regulamentu de su cunsillu comunali.

#### Art.19

##### Cunvocatzioni de su cunsillu

1. Su cunsillu est convocau de su Sìndigu e a issu cumpetit sa determinatzioni de sa dì de sa riunioni e sa compilatzioni de s'òrdini de traballus po sa dì.
2. In casu de assentza o impedimentu de su Sìndigu, sa convocatzioni est fata de su Vice-Sìndigu o chi no de s'assessori antzianu, chi funt cunsilleris comunali.
3. Cundu sa convocatzioni de su cunsillu da pedit unu quintu de is cunsilleris in carriga, sa sézida depit tenni logu prima de binti dìs de sa formalizatzioni de sa domanda.
4. Is modalidadis de convocatzioni de su cunsillu funt stabilidas de su regulamentu.

#### Art. 20

##### Valididadi de is sétzidas e de is deliberatzionis

1. Is sétzidas de su cunsillu comunali bàlint cun sa presèntzia de sa metadi de is cunsilleris assegnaus, a pati is casus in ui sa lei e custu Statutu tengiant bìsongiu de una maggioranza

qualificada; in segunda cunvocatzioni serbint asumancu 1/3 de is cunsilleris assegnaus, chènza de contai su Sindigu.

2. Is deliberatzionis bàlint candu otenint sa magioranza assoluta de is chi votant, a pati is casus in ui sa lei o custu Statutu tengiant bìsongiu de sa magioranza cualificata.

3. Me in is votatzionis craras is cunsilleris chi pedant de s'astenniri si contant in su numeru de is chi votant.

4. Me in is votatzionis cun scrutiniu segretu is schedas biancas e nullas si contant po determinari su numeru de is chi votant. Si contant in su numeru de is presentis e no in cussu de is chi votant is cunsilleris chi no pigant pati a sa votatzioni.

5. Me in is casus de urgentza is deliberatzionis podint essiri dichiaradas imediatamenti eseguibili cun su votu de sa magioranza de is membrus.

#### Art. 21

##### Publicidadadi de is setziadas

1. Is sètziadas de su cunsillu funt publicas; su Sindigu provedit a informari is citadinus cun formas de publicidadadi stabilidas de su regulamentu.

2. Su regulamentu nomenat puru is casus in nui su cunsillu comunali si riunit in sètziada riservada.

3. Chi funt scritus a s'òrdini de traballus po sa di argumentus de importantzia politigu-sociali manna su cunsillu comunali podit esseri convocau po sa discussioni a custas materias in sètziada apeta, in ui podint partecipai is citadinus cun diritu de fueddu.

#### Art. 22

##### Votatzionis

1. Is votatzionis asuba de is deliberatzionis de su cunsillu comunali si svolgint in forma crara, a pati is casus stabilius de su regulamentu.

2. Funt de ponni a scrutiniu segretu is deliberatzionis asuba de personas candu est esercitada una facultadi discrezionali in pitzus de sa consideratzioni personali e de sa valutatzioni de s'atzioni  
svolgia.

#### Art. 23

##### Motzioni de discunfiàntzia

1. Su Sìndigu e sa Giunta acabant sa carriga insoru chi benit aprovada una motzioni de discunfiàntzia votada po apellu nominali de sa maggioranza assoluta de is membrus de su cunsillu.
2. Sa motzioni de discunfiàntzia debit èssiri motivada e sottoscrita assumancu de dusu quintusu de is cunsilleris assegnaus, chènza contai su Sìndigu e benit posta in discussioni no prima de dexi dīs e no apustis de trinta de sa presentazioni sua e totu.
3. S'aprovazioni de sa motzioni de discunfiàntzia faidi scullai su cunsillu e nomenai unu Comissariu segundu is lei in vigèntzia.
4. Su votu impressi de su cunsillu comunali po una proposta de su Sìndigu o de sa Giunta no comportat sa dimissioni de issu dusu.

#### **Art.24**

##### **Candu si sciusciat su cunsillu comunali**

1. Su cunsillu comunali si scullat cun DPR asuba de proposta de su Ministru de s'Internu:
  - a. Candu faint atus contrarius a sa Costituzioni o po violatzionis gravis de lei, e puru po motivus importantis de òrdini publicu;  
Po dimissionis, rimotzioni, decadèntzia, de su Sìndigu;  
Po cessazioni de sa carriga po dimissionis contestuali o donadas puru cun atus separaus ma presentaus contemporaneamente a su protocollu de s'enti, de sa metadi prus unu de is cunsilleris assegnaus, chènza de contai su Sìndigu;  
Candu su bilanciu no benit aprovau me in is terminis de lei;
2. In casu de decadèntzia, rimotzioni o morti de su Sìndigu, su cunsillu e sa giunta abarrant in carriga fintzas a sa dī de is eletzionis de su cunsillu nou e de sa Giunta noa e is funtzionis de su Sìndigu funt svolgias de su Vice Sìndigu.
3. Me in is casus diversus de cussus previstus de su coma dusu cun su decretu de sciusciamentu si provedit a nomenai unu comissariu.